

Beri kuasa DBP atasi isu bahasa Melayu

Shah Alam: Kerajaan digesa memberi kuasa kepada Dewan Bahasa dan Pustaka (DBP) untuk mengambil tindakan dalam isu pelanggaran penggunaan bahasa Melayu.

Kaunselor Universiti Putra Malaysia (UPM), Muhammad Za'id Rosli, berkata sudah tiba masanya peranan DBP dipertingkatkan, sekali gus memastikan se-

mua pihak menghormati bahasa Melayu sebagai Bahasa Kebangsaan.

“Ia perlu bagi memastikan bahasa Melayu menjadi lebih dominan serta digunakan dalam semua peringkat.

“Harus diingat sejak kebelakan ini, ada usaha mencampuri kedudukan Islam sebagai agama rasmi dan begitu juga dengan

status bahasa Melayu sebagai bahasa rasmi,” katanya.

Ketika membuat pembentangan, kluster budaya pada Kongres Maruah Melayu, beliau mgesa kerajaan mewajibkan pemohon jawatan sektor awam lulus bahasa Melayu dengan kepujian dalam Sijil Pelajaran Malaysia (SPM) dan fasih bahasa itu.

“Syarat ini perlu terpakai ke-

pada semua jawatan dalam sektor awam tanpa pengecualian, selaras dengan statusnya sebagai Bahasa Kebangsaan. Pastikan juga tulisan rumi dan jawi digunakan dalam urusan rasmi selaras Akta Bahasa 1963/1967.

“Kerajaan juga jangan bertolak ansur, wajibkan tulisan jawi dan khat dalam sistem pendidikan negara,” katanya.